



ACORDO DE INICIO DO PROCEDEMENTO PARA A APROBACIÓN DO PROXECTO "CENTRO DE PROTONTERAPIA DE GALICIA" (SANTIAGO DE COMPOSTELA) COMO PROXECTO PÚBLICO DE URXENCIA E EXCEPCIONAL INTERESE

O Servizo Galego de Saúde ten como obxectivo, conforme ao disposto na Lei 8/2008, de 10 de xullo, de saúde de Galicia, prover os servizos e as prestacións de atención sanitaria individual de cobertura pública no ámbito da Comunidade Autónoma, dentro do marco básico de financiamento do Sistema Público de Saúde de Galicia, e garantindo os dereitos recoñecidos á cidadanía.

Segundo o Decreto 137/2019, de 10 de outubro, polo que se establece a estrutura orgánica do Servizo Galego de Saúde, a Dirección Xeral de Recursos Económicos é o órgano encargado da dirección económica e financeira e da planificación, execución e control dos programas de investimentos de obras, instalacións, servizos e subministracións, e da coordinación da xestión económico-administrativa, de compras, loxística e de servizos xerais dos centros do Servizo Galego de Saúde.

A Consellaría de Sanidade/Servizo Galego de Saúde, conta cun plan estratéxico que define os obxectivos e actuacións a realizar ata 2020. Está estruturado en catro eixos e o cuarto *"Xestión eficiente que contribúa á sostibilidade do sistema sanitario"* está destinado ás infraestruturas adaptadas ás necesidades de pacientes e profesionais. Dentro deste, a liña estratéxica 20 aborda *"adequar as instalacións e o equipamento ás necesidades de usuarios e traballadores, coa mellora dos centros de traballo e mantemento das súas instalacións e equipos, e coa posta en marcha de novos centros asistenciais"*.

O 19 de outubro de 2021, subscribiuse un convenio entre, por unha parte, o Ministerio de Sanidade e as Consellarías competentes en materia de saúde das Comunidades Autónomas do País Vasco, Cataluña, Galicia, Andalucía, Valencia, Canarias e Madrid; e por outra parte, a Fundación Amancio Ortega Gaona, para a colaboración na implantación da Protonterapia no Sistema Nacional de Saúde. Entre as estipulacións do mesmo figuran, por unha parte, a asignación de equipos, e por outra, as obrigas de cada unha das partes asinantes. Ás comunidades autónomas correspóndelles, entre outras, a determinación dos centros sanitarios públicos nos que se ubicarán as súas unidades de protonterapia, a presentación do proxecto de implantación, a inversión necesaria para a instalación e posta en funcionamento; e porán os medios necesarios para a obtención de todas as licenzas e permisos necesarios para a instalación dos equipos e para a realización da obra civil necesaria previa, tratando de minimizar calquera atraso por motivos administrativos.

En cumprimento deste convenio, a Xunta de Galicia prevé construír un edificio con uso de equipamento sanitario na parcela do Complexo Hospitalario Universitario de Santiago de Compostela (CHUS).



De conformidade co disposto no apartado segundo do citado artigo único, *“os proxectos promovidos por órganos das administracións públicas ou de dereito público que sexan desconformes co plan urbanístico de aplicación poderán executarse se se apreciasen razóns de urxencia ou excepcional interese público de acordo co previsto neste artigo.”*

Pola súa parte o apartado terceiro deste artigo establece que *“o órgano promotor dará traslado do proxecto á consellería competente por razón da materia, solicitando o inicio do procedemento previsto neste artigo.”*

Con data do 13/02/2023, a Dirección Xeral de Recursos Económicos do Servizo Galego de Saúde remitiu a esta consellería unha memoria-proposta na que expón as razóns de urxencia e excepcional interese público que concorren no proxecto do “Centro de Protonterapia de Galicia” (Santiago de Compostela), e que xustifican a súa tramitación polo procedemento establecido na Lei 3/2016, do 1 de marzo, de medidas en materias de proxectos públicos de urxencia ou excepcional interese, solicitando por tal motivo o inicio da tramitación do procedemento previsto no artigo único da devandita lei.

Xunto con esta solicitude foi remitido o anteprojecto do “Centro de Protonterapia de Galicia” (Santiago de Compostela), o informe de supervisión do Servizo de Obras e Supervisión de Proxectos, de data 07.12.2022.

Á vista do exposto, e cumpríndose os requisitos establecidos na Lei 3/2016, do 1 de marzo,

ACORDO

Iniciar o procedemento para a aprobación do proxecto de “Centro de Protonterapia de Galicia (Santiago de Compostela)” como proxecto público de urxencia ou excepcional interese, segundo o previsto na Lei 3/2016, do 1 de marzo, de medidas en materia de proxectos públicos de urxencia ou excepcional interese.

En Santiago de Compostela, na data da sinatura electrónica

O secretario xeral técnico

Alberto Fuentes Losada

